

Transkription von Urkunde HWI 1330b

Ort, Datierung: Wismar, 1330-04-11

Signatur: Stadtarchiv Wismar, Privilegienbuch 1330

Inhalt: Euerth und Wynant, Brüder des Deutschen Ordens: Bestätigung der Hofstiftung durch den Rat der Stadt Wismar

JN deme namen der hilghen drevaldicheyt . Amen / Alle den ghenen dar desse yeghenwardighe scrift / kumpt tō seende ofte tō horende si witlik , dat wȳ / broder Euerth van deme orden der brōdere van de/me dȳdeschen hvs vn(de) mester tō liflande . vn(de) bro/der wȳnant van deme seluen orden kvmmendvr / tō krauckowe bekenet ophenbare jn desser yeghen(n)/wardighen scrift . vn(de) betȳghet . dat de akbare(n) wȳ/sen ratmanne van der stat tō der wismer // hebben ghe laten dor leue willen de se hebben tō vn/sem orden enen hof in erer stat tō der wismer / eweliken to beholdende vnde to besittende . mit alsoda/nem vnderschede vnde vorworden also hir na bescre/uen is . desse hof schal ligghen tō allem lȳbeschen rech/te also de anderen mōneke hōue , de in erer stat bele/ghen sint . beschedeliken der mōneke van doberan van / sunte berndes orden vnde van dem cȳsmer van svnte / van sv(n)teb(e)ned(ict)es orden . In deme seluen houe schōle wȳ / ofte yēnich man na vns nicht buwen . dat der stat / schedelich si ofte ereme rechte . Ene capellen mōte wy / wol dar inne bwwen vnde hebben . doch al ane / kerkhof . vnde al ghe buwete in deme seluen houe tō / buwende schole wȳ vnde vnse nakomelinghe bwwen / eweliken na rade vnde na wolbehaghende der seluen radmanne . wanne wȳ auer moghen hebben van d(er)/ seluen ratmanne ghnaden vnde willen enen kerk/hof to der vorbenomeden capellen so neme wȳ den / gherne . vnde anders schōle wȳ des nicht hebben / noch en mōghen .. Vortmer . herren rittere ofte / andere personen schole wȳ nicht herberghen in de(me) / seluen houe . svnder alenen brodere van vnsem orden / de mōte wȳ wol herberghen .. Vortmer in deme seluen houe scholen wesen vier brōdere in tō wonende / vnde en kvmmendȳre vnde nicht mer . de scholen we/sen endrachtich mit den ratmannen de vorbenomet / sint . vnde scholen vor de seluen ratmanne vnde vor ere / stat truweliken arbeȳden vnde rȳden ere werf dar it mo/ghelik is oppe der stat kost . worde ok de stat beleghet / des ghot nicht en wille . dar schole wȳ hōlpe to dōn . // also andere begheueene lȳde de in erer stat wonen / vor ander plicht der stat tō donde schole wȳ gheuen / yowelkes yares to yowelkem sȳnte mertens da=/ghe . Twe mark penninghe lȳbescher mȳnte den / vorbenomeden ratmannen . so schole wȳ ok sten / brȳgghe maken vmme den sȳluen hof vnde bete/ren lik anderen bōrgheren . ok en schole wȳ yēni/ghen vnser nabure dar tō driuen dat se mit vns /hōghere mȳren denne ghlandes hoch . vortmer so schōle wȳ ofte vnse nakomelinghe den seluen hof ne/mende vorkōpen , vorsetten , vorgheuen , eder an yēni/ghen dinghen voranderen . wen al enen bōrgheren to / der wismer mit witschap vnde mit volbort vnde / na rade vnde willen der seluen ratmanne tō der wismer / vortmer de seluen ratmanne vnde ere bōrghere schō/len sȳnderlike vordernisse hebben van vns , vnde van / vnser nakomelinghen . vnde van alle den yēnen de dor / vnser willen icht don vnde laten willen . vnde gheuen / in de ghnade . dat se in allen enden vnser lande scholen / mit vrede vnde mit ghe make vrȳ brȳken svnder yē/nighes mannes hinder eres schipbrokenen ghōdes eder / it to lande drift . vortmer , so schole wȳ ofte vnse nako/melinghe in der stat tō der wismer eder in der sȳluen stat vrȳheyt eder rechticheyt nenerhande wōrde ofte / erue eder nenerhande akker ofte ynghelt ofte ghulde / kopen . jt en si mit mit witschap mit volbort vnde / mit willen der seluen ratmanne der stat tō der / wismer . . vppe dat alle desse wort vnde stvkke de hir/vore bescreuen stan vast vnde stede bliuen . vnde dar / nicht

ghe menghes ofte twiueles ankome de seluen // stýkke ofte wort to hinderende an yēnighen dinghen
So / hebbe wy broder Euerth vnde broderwýnant hir vorbe/nomet desse sýluen scrift heten screuen
vnde ghema/ket van vnser weghene vnde vnser orden . vnde hebben / de ghe gheuen den
vorbenømeden ratmannen beseghe/let mit vnser twier yngheseghele . jn deme yare na / der bort vnser
heren Ghodes . dýsent yar drehundert / yar . jn deme drittegheten yare . des midwekens in / den
hilghen daghen tō paschen .